

Sarkina Bt Mat Saad @ Shaari

From: Unit Komunikasi Korporat
Sent: Tuesday, July 10, 2018 7:29 PM
To: UUM - All Staff; UUM - All Students
Subject: UUM Sedia Platform Untuk Warga Kerja TEKUN Nasional Tingkat Tahap Prestasi



10 JULAI 2018 / 26 SYAWAL 1439H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Mohd Amir Aizat Sainon

Gambar: Abdul Halim Husain

UUM SEDIA PLATFORM UNTUK WARGA KERJA TEKUN NASIONAL TINGKAT TAHAP PRESTASI



UUM ONLINE: Kuala Lumpur, 10 Julai - Universiti Utara Malaysia (UUM) melalui Pusat Pengajian Pengurusan Perniagaan (SBM) memeterai Memorandum Persefahaman (MoU) dengan TEKUN Nasional bagi menjalankan program peningkatan prestasi warga kerja TEKUN Nasional.

MoU itu dimeterai oleh Timbalan Naib Canselor (Penyelidikan dan Inovasi), Prof Dr Ayoib Che Ahmad mewakili Naib Canselor dan Pengarah Urusan & Ketua Pegawai Eksekutif

TEKUN Nasional, Datuk Baharom Embi dengan disaksikan oleh Ahli Lembaga Amanah TEKUN Nasional, Siti Norazlina Seni.

Prof Dr Ayoib berkata pemeteraian MoU itu membolehkan UUM bekerjasama dengan TEKUN Nasional bagi menjalankan program peningkatan prestasi warga kerja TEKUN yang diharap akan memberi impak positif terhadap keseluruhan organisasi.

"Dengan pelaksanaan kerjasama ini, warga kerja TEKUN berpeluang untuk meningkatkan lagi taraf akademik mereka melalui Program Eksekutif yang ditawarkan bagi peringkat Diploma, Sarjana Muda dan Sarjana.

"Selain itu, terdapat juga program keusahawanan yang diadakan khusus bagi para peminjam TEKUN dan juga kajian keberkesanan terhadap pelaksanaan produk pembiayaan oleh TEKUN," ujarnya.

Sementara itu, menurut Ahli Lembaga Amanah TEKUN Nasional, Siti Norazlina Seni, kerjasama strategik TEKUN dan UUM bukan hanya dalam membangunkan tahap kemahiran dan pengetahuan warga kerja TEKUN dalam bidang pengurusan perniagaan dan keusahawanan tetapi juga untuk mendapatkan pandangan dan cadangan menambah baik produk pembiayaan yang dilaksanakan oleh TEKUN sejak sekian lama, melalui kajian yang akan dijalankan bersama.

"Melalui kerjasama ini juga, TEKUN Nasional berharap akan mendapat khidmat bimbingan melalui kepakaran tenaga akademik daripada UUM melalui modul-modul latihan keusahawanan yang komprehensif serta sistem aplikasi komputer yang diperlukan TEKUN Nasional," jelas beliau.

Program kerjasama antara UUM dan TEKUN Nasional ini merangkumi pelbagai program termasuk peningkatan akademik dalam kalangan warga kerja TEKUN Nasional yang mana buat permulaan ini melibatkan penyertaan seramai 42 warga kerja TEKUN Nasional.

Hadir sama pada majlis ini Penolong Naib Canselor UUM COB merangkap Dekan SBM, Prof Dr Haim Hilman Abdullah, pegawai-pegawai kanan UUM dan TEKUN Nasional.



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.